

N 04/840  
15.11.2023

## ბრძანება

810-01-4-202311151723



მოვაჭრე ა(ა)იპ „სპორტული დაბრკოლებების აჭარის ფედერაციის“ (ს/ნ 445685964)  
მიერ „მომხმარებლის უფლებების დაცვის შესახებ“ საქართველოს კანონის  
სავარაუდო დარღვევის ფაქტის შეფასების გარეშე საქმის შესწავლის დასრულების  
თაობაზე

„კონკურენციის შესახებ“ საქართველოს კანონის მე-17<sup>1</sup> მუხლის მე-4 პუნქტის, მე-18  
მუხლის მე-4 პუნქტის, „მომხმარებლის უფლებების დაცვის შესახებ“ საქართველოს  
კანონის 29-ე მუხლის 1-ლი პუნქტის, 33-ე მუხლის მე-8 პუნქტის, საქართველოს  
კონკურენციის ეროვნული სააგენტოს თავმჯდომარის 2022 წლის 29 სექტემბრის  
№45 ბრძანებით დამტკიცებული „საქმის შესწავლის წესისა და პროცედურის“ მე-12  
მუხლისა და მე-17 მუხლის მე-2 პუნქტის „გ“ ქვეპუნქტის საფუძველზე:

### ვბრძანებ:

1. სსიპ - საქართველოს კონკურენციის ეროვნული სააგენტოს თავმჯდომარის 2023  
წლის 30 ოქტომბრის №04/755 ბრძანებით, ა(ა)იპ „სპორტული დაბრკოლებების  
აჭარის ფედერაციის“ (ს/ნ 445685964) მიმართ დაწყებული საქმის შესწავლა  
დასრულდეს მოვაჭრის მიერ „მომხმარებლის უფლებების დაცვის შესახებ“  
საქართველოს კანონის სავარაუდო დარღვევის ფაქტის შეფასების გარეშე, ამ  
ბრძანების დანართის შესაბამისად, პირობითი ვალდებულების აღების თაობაზე  
მოვაჭრესა და სააგენტოს შორის გაფორმებულ შეთანხმების  
გათვალისწინებით.
2. ა(ა)იპ „სპორტული დაბრკოლებების აჭარის ფედერაციის“ (ს/ნ 445685964)  
დაევალოს, პირობითი ვალდებულების თაობაზე წერილობითი შეთანხმების  
გაფორმებიდან 1 (ერთი) თვის ვადაში შეასრულოს სააგენტოს წინაშე ნაკისრი  
ვალდებულებები.
3. ეს ბრძანება, პირობითი ვალდებულების აღების თაობაზე გაფორმებულ  
შეთანხმებასთან ერთად, გაეგზავნოთ მხარეებს და ინფორმაცია განთავსდეს  
სააგენტოს ოფიციალურ ვებ-გვერდზე.
4. ბრძანება ამოქმედდეს ხელმოწერისთანავე.

5. ეს ბრძანება შეიძლება გასაჩივრდეს მისი კანონმდებლობით დადგენილი წესით გაცნობიდან 1 (ერთი) თვის ვადაში თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი N64).

**საფუძველი:** ა(ა)იპ „სპორტული დაბრკოლებების აჭარის ფედერაციის“ (ს/ნ 445685964) მიერ პირობითი ვალდებულების აღების თაობაზე სსიპ - საქართველოს კონკურენციის ეროვნულ სააგენტოსა და მოვაჭრე - ა(ა)იპ „სპორტული დაბრკოლებების აჭარის ფედერაციას“ (ს/ნ 445685964) შორის გაფორმებული 2023 წლის 13 ნოემბრის შეთანხმება.

ირაკლი ლექვიანიძე

თავმჯდომარე



შეთანხმება ა(ა)იპ „სპორტული დაბრკოლებების აჭარის ფედერაცია“ მიერ პირობითი  
ვალდებულების აღების თაობაზე

ქ. თბილისი

13 ნოემბერი, 2023 წელი

ერთი მხრივ, ა(ა)იპ „სპორტული დაბრკოლებების აჭარის ფედერაცია“ (ს/ნ 445685964) (მისამართი: ქ. ბათუმი, ხახულის I შესახვევი, N17, კომერციული ფართი N5, სართული N2), წარმოდგენილი პრეზიდენტის - არჩილ მანველიძის (პ/ნ 610060292) სახით (შემდგომში - მოვაჭრე) და მეორე მხრივ, სსიპ - საქართველოს კონკურენციის ეროვნული სააგენტო (ს/ნ 205310938) (შემდგომში - სააგენტო) წარმოდგენილი თავმჯდომარის, ირაკლი ლექვიანაძის სახით, „მომხმარებლის უფლებების დაცვის შესახებ“ საქართველოს კანონის (შემდგომში - კანონი) 28-ე მუხლის პირველი პუნქტის, 33-ე მუხლის მე-8, მე-9 და მე-10 პუნქტების, საქართველოს კონკურენციის ეროვნული სააგენტოს თავმჯდომარის 2022 წლის 29 სექტემბრის №45 ბრძანებით დამტკიცებული „საქმის შესწავლის წესისა და პროცედურის“ (შემდგომში - პროცედურა) მე-8 მუხლის მე-3 პუნქტის, მე-12 მუხლი და, მე-17 მუხლის მე-2 პუნქტის „გ“ ქვეპუნქტის საფუძველზე, ვდებთ წინამდებარე შეთანხმებას შემდეგზე:

### 1. შეთანხმების საგანი

#### 1.1. მოვაჭრე იღებს ვალდებულებას:

კანონის მე-5 მუხლის შესაბამისად, ვებგვერდზე [www.batumicup.ge](http://www.batumicup.ge) და <https://batumicup.ge/> და, არსებობის შემთხვევაში, სხვა ნებისმიერ ონლაინ პლატფორმაზე, განთავსებული ინფორმაცია მომხმარებელს მიაწოდოს ქართულ ენაზე, მკაფიოდ, გასაგებად და სრულად.


### 2. შეთანხმების შესრულების ვადა

2.1. წინამდებარე შეთანხმება ძალაში შედის მხარეთა მიერ მისი ხელმოწერისთანავე.


2.2. მოვაჭრე ვალდებულია, წინამდებარე შეთანხმების ხელმოწერისთანავე (ერთი) თვის ვადაში განახორციელოს ამ შეთანხმების პირველი მუხლით გათვალისწინებული ღონისძიებები და ამ ვადის გასვლიდან 3 სამუშაო დღის განსაკუთრებულ სააგენტოს მიაწოდოს ინფორმაცია გატარებული ღონისძიებების თაობაზე, შესაბამისი მტკიცებულებებით.

### 3. მხარეთა უფლება-მოვალეობები

არჩილ მანველიძე



ირაკლი ლექვიანაძე



3.1 სააგენტო უფლებამოსილია, მოვაჭრეს მოსთხოვოს აქებული პირობითი ვალდებულებების შესრულების თაობაზე ინფორმაციის მიწოდება პერიოდულად.

3.2 სააგენტო უფლებამოსილია, განახორციელოს მოვაჭრის მიერ პირობით აღებული ვალდებულების შესრულების მონიტორინგი.

3.3 მოვაჭრე ვალდებულია, სააგენტოს მიაწოდოს ინფორმაცია პირობით აღებული ვალდებულებების საფუძველზე განხორციელებული ღონისძიებების თაობაზე ამ შეთანხმების 2.2. პუნქტში მითითებული ვადის გასვლიდან 3 სამუშაო დღის განმავლობაში.

#### 4. შეთანხმების შეუსრულებლობის შედეგები

4.1 სააგენტო უფლებამოსილია ხელახლა დაიწყოს საქმის შესწავლა თუ:

- ა) მოვაჭრე ნაკისრ პირობით ვალდებულებებს სააგენტოს მიერ მასთან დადებული წერილობითი შეთანხმებით განსაზღვრულ ვადაში არ ასრულებს ან არაჯეროვნად ასრულებს;
- ბ) პირობითი ვალდებულებები მოვაჭრის მიერ მიწოდებულ ნვდარ, არაზუსტ ან შეცდომაში შემყვან ინფორმაციას ეფუძნება.

4.2 ხელახლა დაიწყებული საქმის შესწავლის ვადა არ უნდა აღემატებოდეს 1 თვეს.

#### 5. მხარეთა პასუხისმგებლობა და დავის გადაწყვეტილების წესი

5.1. თითოეული მხარე შეთანხმებით გათვალისწინებული ვალდებულებების სრულად ან ნაწილობრივ შეუსრულებლობის გამო პასუხისმგებლობისაგან თავისუფლდება თუ ვალდებულების შეუსრულებლობა გამოწვეულია დაუძლეველი ძალის (ფორს-მაჟორული გარემოებები) შედეგად. შეთანხმების მიზნებისთვის „ფორს მაჟორულ“ გარემოებად ჩაითვლება გარემოება ან მოვლენა, რომელიც სცდება სააგენტოს ან მოვაჭრის კონტროლის ფარგლებს და შესაბამის მხარეს არ შეეძლო მისი წინასწარ განჭვავება ან/და თავიდან აცილება და რომლის დადგომაც გათვალისწინებულ ვალდებულების შესრულებას შეუძლებელს ხდის. შეთანხმების მიზნებისთვის „ფორს მაჟორულ“ გარემოება მოიცავს, მაგრამ არ შემოიფარგლება სტიქიური უბედურებებით, გაფიცვებით, საბოტაჟით, წარმოების სხვა სახის შეფერხებით.

5.2. მხარე, რომელიც ვერ ასრულებს ვალდებულებას ფორს მაჟორული გარემოების ან მოვლენის გამო, ვალდებულია აცნობოს მეორე მხარეს ხსენებული გარემოების ან მოვლენის როგორც დადგომის, ასევე შეწყვეტის შესახებ არაუგვიანეს 10 დღისა და დადგომიდან ან შეწყვეტიდან.

5.3. შეთანხმებიდან გამომდინარე დავა მხარეებს შორის წყდება საქართველოს კანონმდებლობით დადგენილი წესით.

არჩილ მანველიძე

ნიკოლოზ ლეჟინაძე

6. სხვა პირობები

6.1. წინამდებარე შეთანხმება დადებულია მხარეთა შეთანხმებით და ნებაყოფლობით.

6.2. წინამდებარე შეთანხმება შედგენილია ქართულ ენაზე (კა) იგი მხარეთა მიერ ხელმოწერილია ელექტრონულად.

7. მხარეთა ხელმოწერები

ა(ა)იპ „სპორტული დაბრკოლებების  
აჭარის ფედერაცია“ (ს/ნ 445685964)

პრეზიდენტი, არჩილ მანველიძე

საქართველოს კონკურენციის  
ეროვნული სააგენტო (ს/ნ 205310938)

თავმჯდომარე, ირაკლი ლეჟინაძე



არჩილ მანველიძე



ირაკლი ლეჟინაძე

